



(25096)


長治縣志卷之十五

知縣事沐陽吳九齡景文



列女

易曰坤道成女女亦有道焉曰順曰貞曰無成而  
終吝是也其體坤故主靜其象陰故其為德也  
而難見不若陽剛之昭著於外也且坤與乾稱為  
體門內有正淫邪正而一家之興廢係焉則必能為  
女者始能為婦能為婦者始能為母坤道顧不重歟  
所以書先釐降重觀刑也禮男女七歲不同席教之



長治縣志卷之十五 列女

於蒙也詩三百篇以關雎冠其首風之始化之原也  
先王創制立法於房幃中別嫌明微尤加意焉獨是  
名門巨室或可取內則列女諸書嚴而訓之而草野  
貧窶者男子尙目不及詩書矧女嬰乎苟於此必備  
責焉亦甚難矣然惟其難始見其重故思齋思媚葛  
覃卷耳而外凡提舉書荻黃鵠燕門雜見於記傳謳  
歌者舉不憚詳悉書之長治踞太行之巔風高土厚  
士尙氣節而女子輩敦慈孝而重廉恥者較他處且  
更多焉是固人隨地傑抑亦習與性成儼然巾幗而

丈夫矣例得列諸人物之後以爲古處之一證志列  
女

春秋

黎莊夫人

衛侯之女黎莊公之夫人也既往而不同所  
欲所務者異未嘗得見其傅母聞夫人之賢

而不得見又恐其已見遣而不以時去乃賦詩  
曰式微式微胡不歸夫人曰婦人之道一而已  
矣彼雖不吾以吾何可以離於婦道乎乃賦詩  
曰微君之躬胡爲乎中露終執貞一不違婦道  
以俟君命漢劉歆頌曰黎莊夫人執行不衰莊  
公不偶行節乃乖傅母勸去作詩式微夫人守  
一終不肯歸又贊曰去歸之義夫人豈昧不改  
之節猶爲當遂傅母不情式微何爲中露之詩  
君子  
乃序

趙母

奢之妻括之母也長平之役括母上書趙王言括不可使括少讀父書自以天下莫能當與父言兵事父不能難然不謂善問其故曰兵死事也而括易言之趙若用之必覆趙不可使為將王不聽母曰即有不稱妾請無隨坐王許之卒用括以致於敗

漢

中山太后

馮奉世女元帝昭儀生中山孝王嘗從上幸虎園熊逸出攀檻欲上殿同侍傅昭儀皆驚走馮當熊而立帝問故口妾聞猛獸得人而止妾恐至御座故以身當之帝嗟嘆以此益重傅昭儀等皆慙後隨王之園號中山太后傳孫立為帝懷當熊之恨卒禍馮氏

桓少君

上黨流寓鮑宣妻也宣常從其父父奇其清苦即以少君妻之資粧甚盛宣不悅少君悉歸侍御服條更着短布裳其輓鹿車而歸拜舅姑畢提甕出汲修行婦道鄉邦稱之後宣拜司隸校尉子承亦顯孫昱從容問少君曰太夫人寧復識輓鹿車時否答曰先姑有言存不忘亡安不忘危吾焉敢忘乎

南齊

鮑令暉

照之妹也照有大雷岸與妹書詩品齊鮑令暉歌詩往往漸絕清巧擬古尤勝惟百願靡矣照嘗答孝武云臣妹才自亞於左芬臣才不及太冲爾見通志

隋

陸讓母馮氏

上黨人性仁愛有母儀讓其孽子也仁壽中讓為番州刺史以耻敗囚詣長安上親臨問讓稱冤令治書侍御史覆按之狀不易前罪當死將就刑馮詣朝堂數讓曰汝無汗馬之



勞致位刺史不能盡忠奉國以答洪恩而反違  
犯憲章賍貨狼籍背君辱親不忠不孝死亦何  
辜但念爲汝父孤孽絕其後耳於是流涕嗚咽  
執盂粥勸讓令食既而上表情甚切上愍然爲  
之改容侍御史柳彪進曰馮氏母德之至有感  
行路如或殺之何以爲勸上於是集京師士庶  
於朱雀門外遣舍人宣詔減讓死除名復下詔  
曰馮氏體備仁慈夙姻禮度孽議非其所生往  
犯憲章宜從極法躬自詣門爲之請命旬顛  
覆朕哀其義特免死辜使天下婦人皆如馮者  
豈不閭門雍睦風俗和平朕每嘉嘆不能已宜  
賜優賞用彰有德可賜物五百段集諸命婦與  
馮相識以寵  
異之欽哉

唐

李氏

邯鄲人李嚴女潞州恭張谷納爲侍人號新聲  
當劉從諫潛圖窺虜新聲諫谷曰始天子以從

諫爲節以非有野戰攻城之功直以其父摯齊  
十二州還天子去就間未能奪其嗣耳自有潞  
澤未聞以一縷一蹄爲天子壽左右皆無賴章  
武朝數鎮顛覆皆雄才傑器尚不能回天子恩  
况從諫擁白兒女手中不以法得亦宜以不法  
終君當脫族西去大丈夫勿顧一飯恩以骨肉  
腥健兒食言訖悲涕谷不決者三月恐言泄繼  
之未幾劉正扣命其下王協等殺正反谷並夷  
其族見  
通志

宋

明德太后

上黨縣人潞川刺史李處耘女也太祖爲太  
宗聘爲妃太宗卽位立爲后恭謹莊肅待諸

嬪御其厚嘗生子不育而撫諸子如己出真宗  
嗣位尊爲皇太后卒祔葬太宗謚明德弟姪俱  
爲名  
臣

荆國大長公主

太宗女真宗時下嫁上黨李遵勗自幼不出房閨太宗嘗發寶藏令諸女擇取

以觀其志主獨無所取宋制選尚主者降其父為昆弟行主因遵勗生日以舅禮謁其父繼昌帝聞密以衣帶器幣助其禮遵勗賓客皆賢士主必親侍饗饋遵勗守徐得疾不待奏請從五六人馳視之居夫喪麻不去身服除不御華麗嘗燕禁中帝親為簪花口誓不復為此久矣主善筆札喜圖史能為詩歌尤善女工之事嘗誡諸子以忠義自守母恃吾以速梅尤視他子與已出均後病目帝親為醫視後宮皆往候因問子孫所欲主豈可以母疾而邀賞賚白金三千兩亦不受遺命柩中無藏金玉從夫制也若主者貴而不驕富而能儉樛木鳴鳩衆善具備矣翰林學士吳育之弟婦駙馬都尉李遵勗妹寡不更嫁御史唐詢因怨育遂奏育不使嫁欲用此誣李氏自盡見通志

李氏

元

武氏

潞州人適程宅夫亡守節不二至元二年旌表平章政事李魏公孟書其額曰門旌程宅武氏高年耆德弘治七年知州馬暉修郡志訪知之欲重為表門而程已無第宅矣扁寄儒學庫

張氏

潞州人年十七歸牛贊二十二夫亡止一子遺腹生一女遣兵產盡攜其子女歸依父母父母哀之欲令改適張以死誓紡績自給壽八十七卒觀風者錄其行詔立石於墓表之

趙氏

副貢翼城教諭楊莘民妻因亂舉家避難莘民攜二親往潞於陽步里臨行謂趙曰時猝矣吾奉親遠適汝當自裁趙曰汝善事父母吾與弱女有死而已必不肯失節以為夫子辱語畢與鄰婦同匿里中洞穴寇至執刃入趙度不免以首觸垣斃寇去復甦潛歸宅中與女俱縊死時年三十六尚書李惟馨為之傳見知非齋存稿

王夫人

為鎮國將軍宗詮妹繼室義門端之女贈光祿卿佐之妹一歲失恃于歸後相鎮國敬以承志儉以治家善以不及事舅姑為恨當祭祀憂憂如也撫前夫人女不啻所生及鎮國捐館終身御稿素絕慶弔不禮賓不精食更嚴於內範子婦謂見先教以孝弟經史次之著有女範十篇傳誦於世

王氏

潞州人千戶張英妻英平荆襄戰死朝命護喪歸諭祭王迎柩觸殞復甦既葬哭於墓道淚盡血遂哀死英無愧於忠王無愧於烈迄今猶並稱之

王氏

庠生張子明妻年二十一歲夫暴卒王痛哭即縊死柩側

牛氏

趙敬妻年二十二夫亡子鏞未週歲誓不再適撫子補郡諸生詩亦卒苦節四十八年弘治間奏表見通志

吳氏

廩生盧清妻清父母客臨洛相繼歿清貧甚不能歸墓詣彼封墳守之課徒自給居二年復之沐以疾卒吳聞訃痛絕嘆曰吾舅姑妾皆於此良人殞命於南天平何毒痛至此乃寄幼孤於女兄隣女為道路費抵臨洛號於野值前徒指以瘞處因得收二骸歸復入沐負夫骨還至河水漲不能渡遇其姻商彼者佐之以渡而三喪乃畢墓先兆矣學正劉崧言於州守馬駁出俸金贖其文仍厚恤之

于志曰閩舊縣志李裕州云吳寡婦為盧家未亡人

跋涉艱苦力返三喪詎惟節亦其才殊矣然兩遭阨

輒遇故舊拯濟之事甚奇似有陰設之者余曩覽秦



范植妻孟姜事一哭而高城崩再哭而甘泉溢始心疑之今不覩吳寡婦猶落落不深信耳

黃氏

監生宿昭妻儀賓政之母年二十六昭亡矢殉姻戚以養老育孤勗之氏斥鈞綉稱未亡人治生業功苦服艱不遺於力朝夕奉養曲盡其禮舅姑安之忘其子亡宿氏業益振于政能讀父書以克家稱正治間旌表太史賈詠為之傳劉文安公龍撰宏節錄序昭弟瑤亦早卒妻七氏守節有嫂氏風見通志

毛氏

李紀妻紀守臨洮時何驛丞子景明方十歲紀夫婦大奇之育於室紀執詩書毛執燈燭晝夜課景明讀愛撫逾已于後景明登第官副使為有明一代詩人之冠見通志

程氏

庠生問誠妻誠應省試與疾歸自度不起謂氏曰為我善事父母死且無憾氏泣曰舅姑首見嫂在君脫不幸妾願從地下誠卒遂自縊

原氏

焦鈞妻鈞亡自縊以殉

姬氏

鄭林妻林亡自縊以殉見通志

雄山四貞

正德辛未歲盜起齊魯鼓行而西無慮數千百抵潞境西火鎮劫掠財物搜獵婦女四女傑然出乎其間投馬大罵剔目斷臂而死者趙公賢女閻兒也仆地被拽膚裂血流道路未暇罵而被殺者焦相妻程氏也不受甘言之誘怒目大罵與惺同役者袁佩女鷹菊也被擊遇井自謂得死所抱幼女投死者王川妻平氏也冠退問其事詔旌為四貞建祠於雄山南命春秋致祭見劉文安公龍貞烈倡和詩

張門三烈

袁氏庠生張于京母李氏于京妻又李氏于正妻于京堂嫂也孀居遭壬申之亂袁携二



李避趙家庄土洞中賊搜獲袁馬賊立殺之繫  
京妻於馬項不從馳馬曳死繫正妻於店大馬  
投火死司李袁嘉其姑  
婦正烈給銀收瘞之

丁志曰余閱縣舊志正德辛未有平程趙袁四正至  
今凜然猶有生氣若數婦者其冰心鉄骨又何多讓  
焉但平程當時有人表揚遂得蒙旌血食聞袁氏二  
李氏亦曾投牒所司竟爲刀筆勒抑沉閣噫单寒荆  
布其湮沒漸滅者可勝道哉

王氏 翁誌夫景俱客死鄆縣王年纔二十四聞訃幾  
痛絕拮据迎二襪歸葬長子倫方數歲次子備  
遺腹生二子稍長括遺費使治商家遂裕性好  
施煖食以飼乞者尤肅於內政子孫稟命如嚴

君守節四十  
餘年以壽終

陳氏 典膳栗木妻木蚤卒遺孤永爵甫三歲永祿尙  
未週姑李祗姑韓俱垂白孀居仰事俯育殆三  
十年婦道母儀勞瘁曲盡嘉靖庚子二子同舉  
於鄉甲辰祿登進士詔旌其門爲三節陳氏累

贈至  
夫人

劉氏 程天佑妻天佑病傾簪珥市醫藥比  
卒哀痛絕飲食九口不死潛自縊

義媪 贈光祿任環僕婦也環守太倉統兵征倭出海  
上倭乘間攻城急兩人約投井死媪請先體肥  
塞井口不能上下環至圍解問內胥圍  
井泣因啟甕出媪眷屬得生見通志

楊氏 梅守釗妻瀋陽衛人少孀守  
節三十年有司旌之見通志

程女三節 程宗道之女舉人程于藩之妹一適本縣賈  
名卿一適壺關張斗熙一適本縣周基邪崇

神五年流賊肆掠父率三女避土洞中賊至圍洞縱火匿者竄出賊牽張婦載馬上投地大罵賊怒殺之賈婦倒投溷溷死

劉氏

指揮薛朝印妻年十九朝印死於陣號泣將自縊顧遺姪四月不可使夫無嗣後生男奎長襲

父職志行無玷士人

賦詩美之見通志

任氏

栗繼芳繼室磁州人嫁甫八月夫亡有同里進士尹長子欲娶之任曰為栗氏婦即為栗氏鬼

萬一受殉命盡今日矣事遂寢撫前子嚴蒸並濟卒命有成守節四十餘年而卒

劉門三節

生員劉廷妻張氏早寡食貧課子宸舉正德已卯鄉試赴禮閣卒於道妻戴痛子幼姑老

勉稱未亡人撫子學頗為郡廩生旋亦卒顏妻張氏哀毀而死張與戴胥守數十年以壽終

焦氏

東阿主簿鉅之女字李曉將歸而曉卒女欲往哭之父母不許繼於室歲死母因偕往哭盡哀

見姑牛氏老且盲嗣已絕願留養遂持喪曲盡孝敬姑嘗曰即兒在承歡當不加於婦也一日

姑日忽明如初人皆謂孝感所致事聞旌表壽八十九終其女姓適袁盡禮少亡遺一子亦守

節三十年卽鳳縣尹宇之女素有家教故其女咸知節烈云

孔氏

郝淮妻初淮存時有友寄白金數百於淮淮歿或勸弗與氏正色曰不義之行寧不玷夫於地

下耶悉召還之氏年二十八而寡撫繼英有成壽八十而卒

朱氏

原文會妻未期而寡生遺腹子常守節六十餘年常亦能養母子垂白而母常無恙直指以絹

米邱之旌曰正孝

李氏

庠生李日遠女字雲和中尉埜固未婚而夫卒女年十七臨喪哀甚持服三年畢僻處一室屏

絕鉛華舅姑給衣食擇菲薄者受之事聞建坊旌表壽五十八歲卒

郭門三節 郭明妻宋氏夫亡遺子二苦志撫孤長紀娶馮氏次繼娶張氏相繼俱寡二氏協志養姑

馮有子鑑張無

子共撫成之

郭氏 璩可大妻年十七歸可大不二載而寡子女俱無食貧守節壽九十有一

賈氏 周再嫁妻賈氏年二十夫亡子女無出矢志不二壽七十終見通志

周氏 馬某妻丈夫嗜賭窮餓周勤女紅以佐給馬屢欲鬻周周涕泣不肯從及馬為械孳周覓其尸

昇瘞當僵屍滿地之日竟有此婦人殊足敬也見潞志拾遺

袁氏 程萬里妻萬里被賊殺袁抱幼子暨二女趨赴井長女徘徊氏推入之轉顧幼者已逸去氏即

抱于自

沉死

王氏 崇寧嗣濱宮人也嗣濱少而孤伯霍泉欲吞其產剪除羽毛強嫁王氏王氏至夫家七日不食

夫家長禍送歸同養文武姬邱翼兩孤次第名封婚娶撫孫成立王與武殆裙釵之程嬰杵臼

厥見路

志拾遺

賈氏 朱綉妻被賊掠欲污之大罵不屈賊縱火氏投烈炬而死

秦氏 趙惟徵妻惟徵子學會妻璩氏賊迫秦不屈截十指俱斷投火死璩投窖中賊擊以石死

郭氏 魯祭宋體道妻崇神壬午寇至同居諸婦皆羅拜郭匿境垣坐地不跪賊怒詰之郭瞪目厲聲

曰老婦跪亦死不跪亦死已安排不活矣延頸受刃至死情含糊罵賊不絕

侯氏 進士侯國秦女庠生杜良材妻任賊破蘇店執氏索金帛氏給賊口可隨我至瘞金處及井遂

墜死

之

王氏 蕭生新愈光妻任賊之亂氏携一女二男避村氏岑樓內聞夫遇害泣曰無主矣忍為賊擄乎



韓氏 特女及笄恐為所汚先叱入井中卽以身隨之  
二幼子號泣亦隨母俱下比出屍母女猶相抱云  
劉守倉妻任賊之亂執守倉將殺之韓奔救伏  
夫身障蔽哀懇曰寧殺我勿殺夫賊先殺韓併  
殺守倉

高氏 葉森妻年十八夫亡苦節六十年正操如一日

張氏 袁仲妻年二十四而寡不為容力初撫孤家益窘迫了無愠悔守節五十四年而終

李氏 王鐘妻年二十六而寡孀居二十五年而卒

王氏 李德化妻夫亡氏甫十八歲生子纘三月歷年七十七歲而終事閱旌表

賈氏 王世光妻世先客死於燕賈年二十四遺孤進履甫二齡竟撫以有成孀居四十八年以壽終

王氏 庠生魏文淵之妻文淵亡時王年二十一遺孤光訓纔兩月耳撫而教之為郡廉生守節五十

九年卒

韓氏 延慶知州程應登繼妻及笄歸程撫前子女不啻已出兩從宦遊以清白相其夫應登卒哭而絕者數四殯虞之後坐卧一小樓供應登像朝夕蔬果必奠不奠不食也三十餘年未嘗少輟

壽七十六卒見通志

朱氏 兵部尚書程正巳妻賦性端方于歸後操井日勤紡績克供婦職正巳弱冠成進士任顯要氏畧無貴倨容正巳忤璫禍且不測氏曰與楊左

諸君同難又何愧也正巳抱疾五年侍奉甚至及捐館幾不欲生稱未亡人者三十載婦儀母

德為時推重翰林李中白銘其墓見通志南通州知州栗永馨側室敬謹周密綜理諸務

巨細咸懋永馨薨及永馨夫婦相繼歿家事裨益一身氏區畫井井撫兩子淑瑞延師督課俾

得成名氏子女無出年二十一孀居苦節五十

郭氏

列女



年至七十而卒見通志

馬氏

王聚良樞室聚良蚤卒遺子朝京朝宗俱幼家貧無倚茹荼守節紡織為生撫二子俱成或守節五十餘年享壽八十而終曾孫之仁舉人

趙氏

潘裕士側妃甲申闖變將入宮妃投井死孝廉胡守德輓以詩有誰知正氣在香閨落落丈夫弗如也之句見通志

王氏

梁家庄人逸其夫姓氏夫亡無子豫製一棺以矢志崇禎十三年人積鴛鴦自給餘米數升界土人鑿夫穴生入其中卽令掩覆聞者哀之見通志

任汝賢妻吳氏潞州衛王榮妻武氏原江妻郭氏鮑鳳

妻王氏江春妻粟氏江紹祖妻趙氏庠生仇渙妻李

氏蘇勲妻阮氏典膳李餘妻崔氏蘇時中妻常氏蘇

時和妻李氏庠生潘桂妻王氏以上俱守志節見通志

國朝

晉氏

通判程尚勤副室年二十五夫亡守節撫孤正緒領戊子鄉薦第一氏享永年

張氏

武生程正學繼妻夫亡矢守大司馬激源憫其志以三子之珍嗣之守節三十餘年卒

朱氏

廉高遷妻年十八夫亡無子女家貧如洗氏勵節事親歷三十四年卒

王氏

張師孔繼妻夫亡姑老氏縫紉資養撫前子紀思勤備至壽七十七卒

李氏

生員吳大勲妻避亂路城南社村大勲死氏哀號數絕親隣慰之氏曰吾志初速死耳越日繼

於寢

張氏 廩生任之樞妻樞亡遺孤五人家道甚窘氏撫育經營殆四十年備極勞瘁願治甲午科毒子

望獲 恩拔季子文領鄉薦儀廩生 憲若亮俱諸生享年七十五歲而卒

杜氏 李遂妻年二十八而寡守節撫孤孀居五十五年巡按旌之

田氏 貢生姚天向妻夫卒無子家素貧氏勤苦守志年逾八十猶績纒無間

王氏 前副使張克儉妻克儉監軍襄陽抗節殉城氏孀居無子姜賊之變避難故縣土洞中賊攻垂

破氏曰我命婦也義不受辱投懸崖死

程氏 庠生中嘉行妻姜賊變氏與一子三女胥為賊擊引至安城營伍中氏挽三女同墜營旁井中

死後月餘踪跡得之凡汲十二屍而氏屍出衣衫滌爛顏面如生

李氏 庠生任憲妻臨洮郡丞公憤女已丑避亂關壁村為賊所獲據地求死賊遂殺之

彭氏 庠生郭永寧妻姜逆變隨永寧避馬家寨賊攻丞示寧謂之曰盍行乎氏曰去將焉往不如先

君一死 竟自縊

李氏 貢生景光大妻姜逆之變光大遇害氏謂其子星曰婦女被擄而死棄骸道路非禮也可穿穴

井中匿我後賊用火蒸遂破面流血變形投縲死

朱氏 申周翰妻盜至夫被掠姑投井氏亦從之

張氏 杜大壯妻逆亂破城村盜至夫被殺氏觸石而亡

阮氏 朱翰垣繼室避亂針漳村寇迫回夫投井死

王氏 宰生程煥妻年二十一夫亡絕粒欠殉姑曲論而止紡績治生計事畜之餘悉以結家廟宗黨

賢之康熙三十四年  
建坊旌表見通志

宋氏 庠生胡夢吉妻年十九夫亡撫孤珠列庠序守節五十載康熙五十一年建坊旌表見通志

田氏 楊相妻年二十夫亡事姑撫子守節四十餘年雍正元年建坊旌表見通志

栗氏 庠生李璵妻年十九夫亡撫六月孤守志歷三十一年雍正四年建坊旌表見通志

趙氏 宋之翼妻年十九夫亡撫子守節歷四十年雍正四年疏請旌表見通志

孫氏 武生崔靜妻年二十五夫亡守節育子壽八十餘雍正五年建坊旌表見通志

申氏 劉安妻年二十六夫亡以事育為己在無何翁姑歿兩子繼亡前後辦五喪撫四孤壽九十有三雍正五年疏請旌表見通志

張氏 牛化龍妻年十九夫亡守節節雍正六年疏請旌表見通志

李氏 郭鈞妻及笄適鈞舅姑已歿事伯姑婦變柔順得其懽心年十九夫亡矢守撫遺腹子淑列庠食隸雍正五年建坊旌表見通志

田氏 民人 卞妻年二十夫亡氏以水操自矢上事孀姑下撫幼子背以女上所入者養給雍正間建坊旌表

宋氏 貢士楊大任妻盜踵其門長女已及笄一子尚幼氏攜子女同入井死見通志

李氏 監生馬宛妾性柔順事嫡牛氏雍睦無忤牛遵疾李祝天求代疾篤李竊語人曰我死母自愈也牛聞之一慟

王氏 沈國昌妻有孝行姑疾篤氏斷指沸湯和藥以進姑病尋愈見通志

袁氏 蘇婦少寡撫孤成立娶賈氏子壽卒賈殉夫自縊姑婦節烈鄉黨稱之

袁氏 賈殉夫自縊姑婦節烈鄉黨稱之

袁氏 賈殉夫自縊姑婦節烈鄉黨稱之

袁氏 賈殉夫自縊姑婦節烈鄉黨稱之

袁氏 賈殉夫自縊姑婦節烈鄉黨稱之



賈氏 武女劉妻生長寒門賦性正潔淫僧徃來其家見賈少艾與其姑潛圖之始誘以利繼迫以威

賈拒不從竟死非命紳士白其事於邑宰淫僧置法而氏節遂著見通志

鄭氏 趙克光妻夫亡撫孤孀維寧食餼於庠孫青州司馬良璧太平令良士翁齡喪母亦皆氏撫成

守節四十九年享壽七十有一見通志

范氏 庠生張常氏 王之琦 武氏 原維康 李氏 李相國 妻 妻 妻 妻 妻 妻

原氏 張顯妻 晉氏 秦光榮 蕭氏 趙旺才 王氏 賈忠謀 妻 妻 妻 妻 妻 妻

李氏 進士鄭鄭氏 李福妻 璩氏 韓烈妻 劉氏 王翼妻 之 之 妻 妻 妻 妻

張氏 王弼妻 賈氏 庠生雷鮑氏 蕭可順 宋氏 王廷輔 妻 妻 妻 妻 妻 妻

崔氏 劉希賢 郭氏 宋國寧 陳氏 董諫誠 工氏 邵沆妻 妻 妻 妻 妻 妻 妻

范氏 趙增慶 張氏 郭敬妻 李氏 李芬妻 陳氏 邵沛妻 妻 妻 妻 妻 妻 妻

胡氏 崔抱妻 王氏 崔光先 賀氏 李潤枚 溫氏 舉人任 妻 妻 妻 妻 妻 妻

路氏 劉忻妻 梁氏 于光顯 郭氏 郝自興 郭氏 黃鶴妻 妻 妻 妻 妻 妻 妻

李氏 秦國政 牛氏 李光亮 李氏 路英妻 李氏 張璿妻 妻 妻 妻 妻 妻 妻

張氏 宋學妻 劉氏 屈三寶 宋氏 庠生郭牛氏 齡繼妻 妻 妻 妻 妻 妻 妻

馮氏 劉正發 楊氏 張申寬 姬氏 李功勳 姜氏 韓桂蘭 妻 妻 妻 妻 妻 妻

馮氏 李進祿 王氏 杜一發 璩氏 胡士儒 陳氏 劉國安 妻 妻 妻 妻 妻 妻

張氏 李振妻 李氏 周際泰 王氏 崔萬鑑 李氏 顧乃猷 妻 妻 妻 妻 妻 妻

李氏 趙文秀 萬氏 王自增 曹氏 郭養龍 李氏 賈載之 妻 妻 妻 妻 妻 妻



原氏 郭嘉全妻 原氏 許光明妻 陳氏 申德強妻 潘氏 王迎祥妻

孟氏 賈連妻 苗氏 李鐸妻 趙氏 庠生黃秉正妻 王氏 靳尚母

崔氏 盧三璉妻 王氏 秦斌妻 馬氏 武名弼妻 劉氏 璩好裕妻

陳氏 賀珍妻 牛氏 武三坤妻 王氏 李樸妻 李氏 宋普妻

以上俱守志節者見通志

楊氏 武生劉琪之妻琪以遊學卒於廣東時氏年二十遺孤祚昌方週歲氏聞訃慟哭幾絕迨穰歸

後侯夜靜投環發聲達戶外其祖姑及姑驚覺立救乃甦鄉黨憐之後三十年愉悅之色未嘗

形於面

杜氏 栗熠繼妻十七子歸甫六月夫遭疾粘牀兩載乃歿氏晝夜奉侍無愠色熠遺前妻子二培泰

培義氏撫之不啻已出二子亦克自成立培義後遊泮

田氏 宋敬臣妻鄰人李悅陰圖久之氏窺其意與夫避居他處悅尋至伺氏往地取菜潛踪其後逼

姦不從怒以佩刀刺死遂屍溝中時氏年十九歲前令錢白其事於上憲以顯揚其烈

袁氏 鮑秀之妻鮑中魁之子媳因魁令秀異居秀遠貿易故袁氏獨處忽夜半有強暴踰其垣踴其

戶氏警喊甚急村人出視皆識其為王貴也是日中魁亦偶外出氏姑含悲仗晨翁歸詠知

鄉地強暴且知服罪中魁乃寢而不究翁則或狃於情始實難容其辱遂以羞忿自服鉛粉殞

命正烈昭然前令郭詳請旌之

賈氏 王秉義妻年二十六夫亡事繼姑甚孝撫成二子皆入泮伯舅年九十早失偶子媳亦繼亡遺

有諸孫氏仰事俯育各得其所是以五世同居庭無間言皆氏調護之力也壽八十乃卒

牛氏

監生國聘之妻年二十六夫亡奉繼姑年踰八十無少失志撫孤孚化愛而能勞幾於有成

康氏

楊舒妻年二十八夫亡氏靜守閨門柏舟矢志性極嚴整有烈丈夫風宵小畏之上事祖姑及

舅姑始終以孝聞撫孤子文元亦教養備至

劉氏

郝正已妻年二十六夫亡事孀姑韓氏維謹韓卧病七載奉藥餌朝夕無少懈子三教以義方

季子甸鄂中雍正丙午武舉守節五十年

賈氏

郡庠生車三聘妻年二十一夫亡時孀姑已踰七十幼子尚在襁褓氏勤於紡織仰事俯畜以

成夫志守節三十餘年

盧氏

年十六歲適郡庠廩生閻克寬賦性溫淑嫻於婦道二十六歲守節事繼姑承顏願志撫如

課督成名

陳氏

栗培先妻十五歲適栗循循婦職越二載夫亡翁姑父母皆憐其幼義聽改適氏以死自誓欲

剪髮毀面夫兄培初重其節以子繼之氏撫養不膏所生勤女紅無粒餘守節四十年

王氏

陳廷佐妻亦善事繼姑者年二十二夫亡遺子二宏績宏循氏苦志撫育俱得成就

王氏

庠生宋鴻儒妻年二十一夫亡時子方四月氏過哀納乳家貧不能僱見乳婆飲以米泔得延

宋氏一厥孝事祖舅姑及舅姑生敬死哀守節四十餘年

王氏

胡鼎妻也十八歲夫亡腹有遺孕後果生男止有地二畝不食不賭氏紡績以奉公姑撫孤兒

四十年正操如一日

王氏

民人郭屏妻也年十六歸夫患腿疾三年牀席間事之絕無懈怠績紡以養舅姑以姪子永

裕為嗣十九歲夫亡守節四十餘年

路氏 上建極之妻青年守節親操井臼以奉老姑育幼子歷五十餘載建坊旌表

崔氏 馮成貴之妻忿克頑馮得雙調戲圖奸兼有逼迫之狀懷羞莫釋投繯自盡亦烈矣哉知縣吳

申其事以請旌乾隆二十五年案

王氏 申永惠妻年甫二十郎失所天家貧如洗翁姑老病子生方十月氏勤女工不致老幼失所至

奔井以避强暴其正操尤著云

楊氏 馮文生妻也年二十夫亡欲以身殉衆勸子方三月撫孤為重乃止後氏兄弟欲奪其志截髮

示之持守益堅

杜氏 胡建寅繼妻年十八夫亡投環幾死衆救婉喻語以堂上無依始有生意其舅姑相繼病難氏

事之數年不少怠養族姪君瑞為夫嗣養放豚贊皇為亡子嗣皆入武庠

以上二十人皆疏請建坊旌表者

任氏 係庠庠生戴天澤之妻十六于歸二十八失偶遺孤方六歲氏飲水茹藥歷五十八年如一日

張氏 貢生周培翼妻翼隨父任會姜逆之變氏聞警入避土穴賊偵知疑有珍玩掘上開穴穴臨深

崖氏投崖欲死賊拉上馬氏墜地復拉復墮而死時年二十有五

張氏 儒監程塏妻夫亡時諸孤尚幼氏保抱撫育艱苦萬狀二子後俱成立次敬吉尤名噪膠庠曾

入通志

郭氏楊氏 郭祖姑楊孫媳段門雙節也郭適維綬綬故氏年二十撫子教養有力綬以例成貢生

年僅二十三病亡妻旋卒遺子元級郭撫之心愈苦元級入郡庠後不祿子謙在襁褓郭與元

級妻楊水操相守慈孝各盡段氏一脈賴二氏保全功大矣心實堪憫焉



李氏

盧鳳鶴側室遭姜逆之亂避兵至李家庄遇賊欲掠去氏罵不屈被殺鄉人瘞於其所今遺塚

尚

係氏

申玉璋繼妻江南浦縣女也璋元配死訣嗣買易於浦之夏鎮因娶氏時年十八歲越五載璋死於浦子生甫十月氏呼號欲死旋以申氏一綫全賴此子因就養母家撫之成人後十年與子扶夫柩歸葬於滌

花氏

關尹之妻夫亡人殮氏躡踊呼天頭觸夫棺血流滿面以此殞命激烈中頗存正氣

郭氏

年十七歲適宋承宗赤貧如洗績麻度日二十五年夫亡剪髮烙面以自誓孀居四十餘年舉人王聚英副室也夫亡時方十八歲屏去鉛華誓不再醮以紡績所入孝孀姑教遺雖難曰

任氏

小星頗知大義子名進為邑庠茂才

趙氏

買共恒妻也年十八恒病殂趙俟三日入殮畢遂登樓自縊而死

趙氏

生員胡涵妻早寡因腹有孕義不敢死生子廷梅少亡厥妻王氏亦以遺腹生子長壽氏病子幼姑老勉稱未亡人撫子長壽為郡廩生一門雙節洵堪不朽

李氏

河南蘭陽縣人不縣袁呈祥妾也呈祥納於蘭邑甫四載沒於家氏年二十四遺孤世勳方二歲計至蘭邑氏聞之欲絕賴伯叔力勸乃止因携孤歸里以柁舟自矢六十載如一日

秦氏

西大鎮姬永興之妻年二十六歲夫亡呼號不已自縊而死兄見正烈

王氏

平秦妻二十八歲夫故家貧無子氏變產為墓埋計及夫就窆自經以殉

張氏

庠生孟省妻十七歲適孟十九歲遂寡哀毀欲絕引刀斷指明無貳志事翁姑撫幼孤曲盡苦心至於吸膿以愈姑瘡乳姑以代米食尤稱難事族黨公舉現在詳請旌表



郭氏

武生韓振國妻性至孝孀姑因跌仆不能步履氏晝扶夜伴四十年如一日姑年近九旬米食難進氏以乳養者復八年姑得年九十六氏今且八十一歲矣

張氏

李玉珩妻珩家貧雕篆為生食每不繼氏助以女工所入上奉舅姑衣食不缺已與子女日惟精鍊一餐又恐舅姑或知重傷其心女流中罕見者

王氏

廉世勲妻于歸後舅姑性嚴好整潔氏曲盡婦道得其歡心以是妯娌甚睦舅姑衣食非氏手出不用其訓子孫則曰吾不知書芸憲事自有汝祖父教在至詞訟一節最易壞心術家雖貧切勿圖小利而為之

其賢孝有異於人者

杜氏

沈裕妻年二十七歲夫亡家甚貧翁姑年邁長子甫七歲次子在襁褓氏日以針工為生夜無油望火光績麻拮据勞瘁不致老幼失所苦節四十二年

賈氏

魏公路妻年十七歲喪夫誓不再醮翁年老而無子氏勸翁繼娶遍訪賢淑娶劉氏得二子不數年翁即棄世氏撫幼叔俱成立守節六十年未可以尋常例之

楊氏

李印先妻十八于歸二十七而寡撫遺孤習文甫三歲教子成立有其夫所遺徵產聽夫族使用絕不與校惟以女玉自給苦節四十四年閨里稱其賢淑

宋氏

屈進章妻十七歲適屈二十七歲孀召公姑哀老止一幼子氏度日艱辛孝親教子始終不懈守節四十九年

閻氏李氏

王門雙節也閻適國珍李適國忠妯娌甚和珍忠相繼而亡二氏皆青年守節李有二子以一繼閻節節米採鄰人稱之

李氏

度盛茶

楊氏 趙文煥

李氏 牛良珽

郭氏 貢生秦儀之繼妻

王氏 馮潤屋妻

以上俱係學憲旌

白氏 韓貴松妻 王氏 宋玉妻 廉氏 史丹妻 秦氏 趙元明妻

胡氏 郭九功妻 楊氏 李崇宮妻

以上俱係府旌

楊氏 進士周必卓妻 張氏 生員郭允球妻 王氏 廩生王廷瑜妻 趙氏 王允貞妻

林氏 韓燦妻

以上俱係軍府旌

牛氏 廉芳妻 王氏 李養田妻 李氏 崔志申妻 張氏 李長濂妻

常氏 魏忠義妻 吳氏 楊萬國妻 柳氏 王光第妻 宋氏 孟崑妻

陳氏 原淳妻 王氏 張暉妻 王氏 王禮生妻 張氏 姬壽廷妻

庾氏 仇月桂妻 郭氏 秦履正妻 王氏 賈忠謀妻 趙氏 韓宏妻

王氏 柳瑞和妻 張氏 田奉召妻 秦氏 宋澤淵妻 楊氏 庠生姜呈瑞妻

郭氏 庠生雅宣妻 王段氏 張氏 宋學禮妻 李氏 張璿妻

劉氏 張有亮妻 楊吳氏 金氏 秦仕嶺妻 王氏 靳維翰妻

郭氏 王璠妻 范氏 王路氏 曹王氏

以上俱係縣旌

呂氏 貢生程之珪妻 王氏 庠生馬最白妻 梁氏 胡邀昌妻 楊氏 張一貫妻

魏氏 王澤沛 趙氏 秦瑞玉 郭氏 李含正 畢氏 劉文質

宋氏 翟飛妻 景氏 傅國用 郭氏 武生廉 徐氏 王璉妻

崔氏 李玉金 郭氏 馬象驃 璩氏 原士宏 張氏 王碩士

李氏 姚昌妻 李氏 鄭重妻 牛氏 卽玉堂 王氏 卽起枝

劉氏 王富妻 周氏 張起鳳 程氏 王灼妻 尹氏 王顯妻

史氏 劉源妻 郭氏 馬猶龍 梁氏 張起蛟 俞氏 生員曹

牛氏 監生董 崔氏 山林妻 王氏 廩生李 李氏 郭秉極

崔氏 屈貴良 楊氏 監生裴 秦氏 李義本 平氏 秦翰妻

牛氏 劉國璧 張氏 斬聖和 王氏 張成烈 馬氏 高悅乾

梁氏 宋鴻儒 秦氏 貢生宋 王氏 崔琮妻 孫氏 宋世耀

李氏 璩順聖 王氏 栗昭妻 陳氏 田丕貯 張氏 閻蕃衍

王氏 卽沆妻 陳氏 監生卽 趙氏 閻弘嗣 張氏 雒家駿

陳氏 廩生劉 何氏 任肇昌 秦氏 卽閻申 王氏 仇呂言

王氏 王三輔 孫氏 王賓善 劉氏 郭萬祿 王氏 廉偉妻

蕭氏 李玉寶 鹿氏 李光妻 申氏 孫文傑 孫氏 崔世周

李氏 傅聚京 張氏 王德興 張氏 原漢妻 申氏 任國枝

萬氏 喬文發 栗氏 康正昇 曹氏 郭省妻 張氏 李先栢

杜氏 陳昌妻 劉氏 景君愛 苗氏 景君爵 宋氏 楊伏寧

杜氏 陳昌妻 劉氏 景君愛 苗氏 景君爵 宋氏 楊伏寧



王氏 李信妻 史氏 馬廷弼妻 雷氏 李綉妻 賈氏 胡進祿妻

武氏 李含翠妻 宋氏 郭孔英妻 李氏 張茂才妻 李氏 王金梁妻

李氏 楊恒頂妻 常氏 袁進善妻 靳氏 辛世禧妻 洪氏 史緣相妻

郭氏 曹登元妻 常氏 王興妻 魏氏 羅文耀妻 郭氏 武尚德妻

孫氏 王作模妻 王氏 陳德貴妻 郭氏 原溥妻 原氏 張英妻

景氏 李蘭妻 賈氏 張玉琛妻 韓氏 宋明烈妻 王氏 姬泗妻

宋氏 郭芳妻 杜氏 董斌妻 周氏 賈璋妻 任氏 高翔妻

楊氏 劉墳妻 曹氏 常桂枝妻 梁氏 杜子覺妻 原氏 崔尚玉妻

張氏 宋懷廷妻 楊氏 李問妻 曹氏 姜君耀妻 靳氏 李承唐妻

劉氏 張景秀妻 張氏 趙小囚妻 程氏 景榮春妻 趙氏 李又白妻

李氏 郭裕繼妻 胡氏 原朝法妻 蔣氏 景維明妻 王氏 張吉勳妻

庾氏 王和美妻 劉氏 羅萬亨妻 胡氏 羅匡唐妻 劉氏 李登第妻

楊氏 李含端妻 李氏 王瑜妻 王氏 李培正妻 崔氏 廩生李炳妻

郭氏 牛彩妻 韓氏 楊士倬妻 崔氏 原萬省妻 秦氏 田增軒妻

閻氏 周汝聰妻 郭氏 王琦妻 侯氏 劉明奇妻 郭氏 高德選妻

趙氏 庠生黃秉正妻 張氏 李勤妻 宋氏 連雍妻 馮氏 鄭金璽妻

李氏 田慶妻 李氏 王國和妻 申氏 王兆興妻 陳氏 田泰妻

宋氏 劉世海妻 郭氏 楊士倫妻 張氏 庠生仇昌緒妻 王氏 秦九叙妻

董氏 張地吉妻 范氏 李柳生妻 李氏 張煒妻 張氏 馬任鸞妻

董氏 郭運昌妻 葉氏 牛炳銓妻 郭氏 生員趙璠妻

### 節婦牛氏志

嗚乎士窮乃見節義不能求之婦人女子也奮激易於死節未易得之從容暇豫也山則嶺節婦牛氏其夫張克禮妻人子也常出賃於外氏苦捺作養姑無何夫以病歸氏日夜侍疾不懈人之病劇且死氏哭之幾不欲生見者皆爲泣下多方殮其夫依然操作如平時其姑亦嘿默聽之迨過百日早起貫紙燻壺酒哭於其夫之墓薄藁始旋易衣担水滿甕閉門投於其甕以死里之人皆嘆息不解其故或曰貧爲之也吾思其夫旣死其年且少堂上姑有他

子可倚爲養子然一身改適於小豐之家何所不可而之  
死靡他豈沾沾計及於貧耶或曰是婦之見毋乃愚甚吾  
思愚者計無復之死不旋踵氏不死於夫死之日而死於  
夫死百口之後其間葬之盡力奠之盡禮喪之盡良知之  
明處之當愚者能爲之乎嗚乎是其處心積慮以身殉其  
夫者蓋籌之早矣豈取決於臨時哉女子從容就義居然  
志士仁人也噫異矣自吾下車是邑以來察其案牘婦人  
類多滯蕩之行未嘗不嘆其風之靡焉觀於氏之事夫生  
以身誓死以身隨循循乎從一而終所謂忠臣不事二君  
列女不事二夫之說於茲益信故特錄之並揭諸石以愧  
邑中之不終婦道者

大清嘉慶二十年歲次乙亥暮春上浣

知縣事楚北星海氏張祖鵠撰



長治縣志卷之十六

知縣事沭陽吳九齡景文甫修輯

寓賢

夫擇里而處擇地而蹈此其人類皆不困於鄉者也  
母亦有不獲已而投止者乎飛蓬無定浮梗焉如瘦  
馬羸童曉風殘月則未有不悵檣蒿而幡然念邦族  
者至旅食於茲卽依依不忍舍去亦足覘此里之不  
薄矣余常流覽輿圖所載自潞徙居絕少非獨懷土  
重遷蓋死徙無出鄉破服於先型者深也抑聞之新

安載考亭之蹟東萊傳呂氏之踪穎上駐子由之駕  
達人君子行不一轍又豈必瞻懷故都而後稱世舊  
乎間有去國不廢懷思列而存之庶傳爲觀聽一動  
水源木本之念夫適他鄉者猶適爲眷戀則莅茲土  
者益宜加物色也志寓賢

漢

鮑宜

字子都渤海人諫議大夫可隸校尉上書言  
民有七亡而無一得七死而無一生及進何  
武退董賢多見採納後以忤宰相下獄太學  
生舉幡申救不死髡徙上黨以長子宜畜  
牧因家焉子孫或居屯留爲屯留人鮑永鮑  
昱是也其居上黨者爲上黨人鮑胤鮑照是

也今鮑氏散居各鄉而隨晉  
南遷者又散處於徽郡云

帝林

字伯槐河內溫人也少卑貧非力置者不取  
漢末太守王匡起兵討董卓任諸小察吏民  
過失繩以重法林請父以小過見牧林往見  
匡同里胡毋處說以據形勢收人心以匡復  
漢室不宜任匪人自取覆亡且道其叔父見  
牧之故處卽移書責匡其諸父得釋林卽避  
地上黨耕種山阿時旱蝗林獨豐養  
人異之其所獲仍均之同里云

張珩

字子明鉅鹿人遊大學學通內外後歸鄉袁  
紹前後辟命不應避居上黨并州收聞其賢  
表除樂平令不就隱居授徒門下常數百人  
至魏訪求隱學之士郡以珩上卒辭之年一  
百五

歲卒

南北朝

長治縣志

卷之十六 寓賢

二

馮和

信都人永嘉之亂避地上黨子安  
雄武有器量慕容永舉爲將軍

范隆

雁門人習秘歷陰陽之學知并州將有氛祲  
之變隱迹不應辟命返寓上黨與郡人齊紀  
友善同精數學後依劉元海以  
產爲大鴻臚紀爲太常俱封公

茹皓

字禽奇舊吳人以恩幸授漢陽太守雖起微  
細爲守乃清簡寡事會客高淮陽及上黨見  
略志拾遺

程禮

上黨人遼瀋廣平人爲上黨太守封潞城縣  
侯子孫遂爲潞人禮仕北齊爲并州刺史見  
府志羣村

唐

宋舉

西河人唐起義兵舉爲將有斬將擐旗之功  
後儀同三司不受心慕元虛退隱於潞卒葬

城西二里

有墓誌

崔澄

安善人嘗居潞元宗別駕時比隣而居相契  
及元宗入覲賓客別於近郊澄獨追隨至華  
後卽位罷待有加澄好滑稽帝以愼密二字  
親書笏端官至金紫光祿大夫封安善縣子

符令奇

沂州臨沂人初爲盧龍軍神將挈子璘  
奔昭義節度使薛嵩署爲軍副見通志

孔戡

字君勝巢父從子第進士以大理評事佐昭  
義李長榮節度府盧從史代之留爲書記從  
史與王承宗田緒陰相連結戡  
始陰爭後秉筆極諫見通志

後五代

王建立

遼州榆社人唐莊宗時爲平盧軍節度使又  
徙上黨晉高祖入立徙鎮平盧又徙昭義賜  
以玉斧蜀馬卒年七十贈尚書子守恩以蔭  
補遂家於潞官至左金吾衛將軍見潞志拾遺



張雄飛

字鵬舉琅琊臨沂人父琮仕金守財胎徙居許州雄飛幼失母琮妾李氏養之元兵虜許推工匠得免有田姓者琮故吏也能作弓以雄飛及李氏為家人由是獲全徙朔方雄飛時方十歲至霍州李欲逃恐其累已雄飛知之頃刻不去左右李乃變服與俱還寓潞州雄飛既長往師前進士王寶英於趙城金亡不知父所在往來澤潞求之十餘年常客食僧舍後入燕廉希憲薦之處士羅英嘗言於世祖曰張雄飛真公輔器見通志

高 鵬

字彥解渤海人祖葵徙居上黨父守忠為十戶戰殲於黃州鵬事世祖備宿衛監作東宮錫金幣廐馬賜名失刺仕至河南路宜慰使卒年五十三見通志

呂時臣

字中父鄞縣人工詩避仇遠遊歷齊梁燕趙間十年客食諸王門下晚客潘滿宣王禮之亞於謝榛年七一客死涉縣魯府中立序其詩曰山人鶴骨癯攏若出衣表以介廉潔不妄交不苟取故為諸侯王所重見通志

謝 榛

臨清人恥一目年十六作樂府尚調少年爭歌之已折節讀書刻意為歌詩西遊漳德趙康王厚禮焉李攀龍王世貞等結詩社於京師榛為長游道日廣潘晉諸王爭延致潘府王將軍中尉多工詩

萬一本

遼東鉅嶺衛貢士在平陽府通判明季遼亂遂流寓潞安子六人俱成名

國朝

李文芳

大興人以鄉舉歷任湖廣安陸府知府解任經潞遂家焉

王彭年

字玉恒彰德府人庠生博洽善屬文兼通醫術以遊學寓潞遂家焉時當兵燹之餘民多病疫知府蕭青令施藥餌於聖泉寺命彭年首其事入皆德之其孫法唐閔亦以醫著

徐達

字從先浙江山陰人以京籍聯捷成進士授侍衛補粵東萬州守備陞潞澤營叅將擢花馬池副總兵誥封光祿大夫征噶爾丹有功告歸貧無貲旋里因過長治遂家焉

祝振遠

字備章江西蘆林人任潞安府司獄卒於官慈愛性成囚徒德之因貧不能旋里遂家焉

附遷移

戰國

馮亭之後

亭戰死長平子孫居潞漢之馮奉世固上黨人矣其自潞而徙趙則有官帥將子為燕相燕相子為漢郎署馮唐之秦者有馮無擇馮劫馮去疾俱為將相列侯無擇子為

蜀將馮敬亭之後留關中者有馮衍為更始將云

二國

鮑助

字叔業泰山平陽人漢司隸校尉鮑宣九世孫宣後世有從上黨徙泰山者遂家焉助父信有功魏太祖追錄信功封助邵新都亭侯辟助丞相掾積官御史中丞內行既脩廉而能施文帝詔開行獵助切諫中忌後以非罪誅於死之日無餘財莫不為助嘆恨見潞志拾遺

十六國

馮跋

上黨人父安為慕容永將永滅徙家昌黎跋事慕容熙坐事逃去乘熙暴虐入怨謀誅立高雲雲見殺乃自立卒以夷滅觀跋與其叔祖和皆值亂世也和避亂以保身跋適亂以

象稱祖孫殊見而去就異  
轍詩稱明哲惟和近之矣

宋

李涓

上黨人騎馬都尉遵肅之曾孫也徙居建昌南豐縣仕爲邠州崇陽令靖康之難奮然募兵以應勤王詔至蔡州與金人戰死之高宗錄其忠官其子

元

李孟

字道復潞州人祖父歷仕金元少穎悟學問淵博以薦舉輔導武宗仁宗裨益甚鉅任平章賜爵秦國公收封韓國追封魏國諡文忠先塋在秋谷孟葬宛平縣弟槃森信奎子獻陰戊戌任於時能世其家詳名賢志舊志缺

郝經

其先潞州人徙陵川爲人尚氣節學務有用事世祖論伐宋師凡數萬言皆高出一時措不見用後亮圖信使使宋定和議平章王夾統忌其才陰屬李璫使宋以害之宋賈以道從還戰功又遣使不得進拘繫使不得還凡十一年備嘗困辱著書自見宋亡始歸諡文忠夫忠元以禍宋識者能辨之

靳德進

其先潞州人後徙大名德進幼讀書能文大義尤精星歷之學世相時以選受天文星歷卜筮三學管勾時因天道以進規多所裨益積官中書左丞議通政院事以病卒於位贈大司徒建國公諡文穆子泰工部尚書見潞志拾遺

劉宣

上黨人事詳名賢後徙太原

明

王廷相

字子衡潞州人父客儀封遂中河南引治乙卯鄉試壬戌成進士選翰林庶吉士歷官兵



部尚書加太子太保賜玉卒賜少保馮麓謚  
肅敬其登科錄尚載潞州人儀封籍潞郡墳  
墓尚存其牌坊在北關讀書  
草堂舊在勝園毀於閩賊

孫伯堅

字道夫其先潞州人遷於興濟弘治中拔授  
中書舍人累官尚書司卿弟伯強通政使司  
經歷伯義鴻  
臘寺少卿

長治縣卷之十七

知縣事沐陽吳九齡景文甫修輯

藝術

蓋聞南轅北轍易地皆然尺短寸長相去無幾其於  
藝術也亦若是則已矣箕子析陰陽預知休咎師曠  
曉音律先定宮商卜見乎一斑李淳風之占符馬色  
醫窺乎衆妙孫思邈之方得龍宮庖丁解牛固得心  
而應手魯般刻木亦運斤而成風推斯以譚則鐵畫  
銀鈞真楷特異風樞陣馬行草尤奇設墨灑屏寧多

點蠅之技飲金沒羽不乏貫風之能他若泝游鱗之  
請賣日金黑白基之不輸一箬道可濟時因所應爾  
思能入奧不其然與志藝術

南北朝

李業興

上黨人博涉百家尤長算歷舉孝廉爲枝書郎  
造戊子元歷上於朝時張洪等九家各獻新歷  
宣武詔令共爲一歷洪等皆推業興爲主成戊  
子歷正光三年奏行之又曰殷歷甲寅黃帝辛  
卯徒有積元術數亡缺修之各爲一卷傳於世  
蓋通儒而兼方伎者也

唐

韓凝禮

上黨人明易學撰著奇中明皇入京命凝禮撰  
一書題立三起二偃凝禮曰此飛龍之象木占  
有孚應在仲冬一陽動也後果驗凝禮起家五  
品潘炎爲之賦曰維彼神著生而有知用知不  
測明以稽疑擢九尺之緘幹伏千年之寶龜德  
圓而神兮無幽不及其生三百兮其用五十惟  
聖人之觀象乃神動而鬼入列八卦以效變翹  
孤莖而子立數彰得一命乃白天同大橫之有  
夏表或躍而在田其察也深其功也大稱美名  
於神物齊妙用於神蔡是曰元后茲爲筮從氣  
受陰陽夜分而彩露兼涵幽贊天地朝覆而輕  
雲數重著而有靈立定天保可謂神助用光天  
造功深莫善仲尼且許以鈞深屈於不知太公  
徒言乎腐草著之立兮發其神吾君得之尊以  
光明乎太極演彼歸藏因卜  
祝之符瑞應天人之會昌

宋

張

騃

字公度潞州人家業醫而騃尤精於方脈意在  
活人不責其報黃魯直母安康郡君病秘結諸

醫莫洽騷投餌即瘳魯直感而厚贈之却不受

宋嘉禾

上黨人南渡時伶人也畫人物學石恪減筆好作利市仙官和尚骨格態度俗工莫及亦能畫竹小境絕佳出繪圖寶鑑見潞志拾遺

元

靳德進

潞州人祥子為人材辨尤精星履之學太保劉秉忠選授天文星歷卜筮三科管勾累遷秘書監掌司天臺事詳見遷移

明

萬瑄

潞州人通立理善畫寫意骨入神年九十猶作小景見王公長揖不拜人皆重之

宋 銓

潞州人嘗遇異人授秘方嘉靖人年郡別駕傳必用夜宴德風亭醉墜折左股衆醫莫治佺出藥三粒大如豆啖之骨尋續有聲更以手熨起行如常一時稱神

申相

業岐黃研究脈理尤精傷寒一科著診家秘要傷寒捷法歌稱良醫云

郭世元

書畫有絕沈平度令藍田延世元臨摩詰輞川圖雲林山水臺榭人物毫髮絲縷備極工巧晚年宗巨然潑墨更爲蒼潤識者競玩賞之書撫聖教黃庭才思亦敏有遺賦百二十篇

國朝

宋道人

名弼宸邑八諫鄰樓底村人也少孤爲人牧羊霍山中一口尖羊羣牧皆徬徨無所措宋年十三獨入深山求之行二日見老僧取坐石窟中四無人跡僧面生黃毛寸許心知有異跪陳其故僧喙曰爾年固在須中秋可得今日且歸矣宋出告羣牧及期約伴結束以行果得羊又溢四五百頭羣老僧已不見衆議驚其溢者得百餘金既而分金不平遂聞之官官盡歸其金



於宋其徒王乙者利其費故爲好語致宋於家  
陽爲權子母夜令婦入室而已踰其後誣以姦  
而逐之宋失貲無所依乃復入山行久之見一  
茅菴別有一老僧居之泥拜告以故請留執携  
采久之乃許老僧不甚貪厨中所有惟燕麥芋  
魁食之遂不飢居五載僧遺之宋願留侍不行  
僧顧曰子愿謹奈鈍根何視壁上畫古丈夫五  
一正面一側面一背面二人偶坐其傍曰子但  
日目此骨節寸寸皆須留意宋茫然不解所謂  
第日坐卧其下夜夢一人自壁下指示銅人穴  
道脉絡甚悉宋忽豁然有省一日僧遠出留宋  
居守則虎狼躡跡交錯於菴之前後越七日僧  
歸謂宋曰山中檀越家邀我誦經汝當隨往比  
行及半途又謂曰汝目止此聞木魚聲乃來迎  
我遂徑去宋候移晷杌甚輒蹣跚往道阻一河  
河上有翁嫗視二童子汲者叩師所往曰此無  
人居安得延僧誦經者不得已渡河而前峭壁  
插天更無蹤徑倏聞木魚聲在北山上馳赴之

又聞聲在南山顧視日已晡有虎百十餘咆哮  
而至急趨投翁所木棚石屋亦有雞犬翁出  
叱之羣虎皆弭耳去招宋留宿啖以燕麥粥味  
爽睡覺則身卧巖石上屋棚皆不見驚愕久之  
遵舊路欲返菴中道逢婦人井汲而絡其臂問  
之則跌傷折骨宋審其穴脉試按摩之應手而  
愈延過其家伙食之因留卜居焉自是爲人按  
摩卽骨已破碎無弗愈者久之娶妻生子巡撫  
都御史圖克善雅重之欲爲其子紹粟太學不  
受亦不受人一錢今在福山王尚書第年七十  
三矣壬申五月十九日啟事海沅暢春苑尚書  
述其顛末如此見王阮亭帶經堂彙

### 王法唐

字棟隆皆能習其業

### 栗三台

字萬鍾少年讀書卽明大義善病因攻岐黃術  
素問難經仲景諸書履其微旨遂成名醫安詳  
和雅大有儒風已侯江公林公咸深重之年七  
十餘醫家多就正焉

李玉玠

字相谷工圖章秦漢篆文講究精熟晉省宦紳皆欽敬之年八十猶能雕鐫小篆

楊祿章

精外科瘡癩應手而愈晚年兼通內醫子大烈習其業

廉世官

字錫九武生銳志方書尤精痘疹延請者遠及數百里遇貧寒家更為構楹晝夜風雨不辭故全活甚衆辛丑歲饑知府邱委官賑窮人多德之子四俱庠生亦以醫著

嚴調明

術精痘疹

陳仁宇

專門傷寒全活甚多子諸生王道亦能精其業以濟世云

王玉衡

茂才胸富方書心存仁厚

程六執

茂才醫林楚所濟宏多

以上四人見拾遺

管石麟

字玉書寧波人其父遊藝瀟安因家焉石麟負有奇材逸氣善丹青工花卉翎毛尤長於寫意

山水逼雲林而人物則取法小仙士大夫聞其名者多折節相交石麟每與抗禮不少貶真高

也人

王洪

字雲臺善岐黃術不擇人有求輒存亦不計所償視時流有薰蕕之分知府蕭甚重之壽八十七子姓蕃衍說者以爲仁厚之徵

周汝明

普六王凡卜逃亡失物言無不應一日赴壺開偶息道旁見一老人入麥場中語家人曰休休未時有大雨明日雨當在場西四十步外老人奇之款於家兩畢出驗果如其言且自知死期安置後事而終

長治縣志卷之十八

知縣事沐陽吳九齡景文甫修輯

仙釋

韓昌黎原道篇云古之教者處其一今之教者處其  
三古之爲民者四今之爲民者六其闢佛老而尊聖  
道也且欲接孟氏之薪傳謂其功不在禹下所以自  
任者誠重也顧讀其文集又嘗與浮圖者流相善前  
輩遂多議之余竊謂不然子輿氏言距楊墨抑復存  
歸斯受之之訓同民心而出治道者將以救世非以



絕人也今將盡天下之僧道而誅之乎恐也今將盡天下之僧道而反之爲四民乎則無告之窮民亦有不能盡律之於四民者姑以爲大養濟院之意可耳蓋嘗溯其源則清淨寂滅無爲無欲亦自具有精微而特不能如聖人之教之中正而無偏究其流則矯詐僞僻惑世誑民其流毒於四民者不可以言語窮詰今惟察其不願爲僧道者仍使之歸於四民其必欲爲僧道者務究其確守清規與否庶幾大養濟之意而不流毒於居民乎夫仙釋非聖教也世之僧道又大非仙釋意也然則仙釋亦何必志哉口僧道而苟不失其爲仙釋之意是庸愈於不僧不道而反出於確守清規者之僧道下也志仙釋

漢

王真

上黨人年且百歲視之面有光澤似未五十者語人云周流登五岳名山悉能行胎息胎食之方噉舌下泉咽之不絕房宇漢武內傳王真字叔經上黨人習閉氣而在之名曰胎息噉舌下泉而咽之名曰胎食真行之斷穀二百餘日肉色光矣力並數人抱朴子胎息者能不以鼻

口噉喻如在胎之中

郝孟節

上黨人能舍棗核不食可至五年十年又能結氣不息身不動操狀若死人可至百日半年亦

趙瞿

有室家為人質謹不妄言似  
士君子曹操使領諸方士焉  
上黨人病癩垂死有以藥囊授之者服百日果  
愈後復過視曰此松脂耳瞿鍊服不輟年七十  
見彩女長一寸遊口鼻間一年女長如人在其  
側嘗聞琴瑟聲壽二百許顏如童後入抱犢山  
不知所終

呂恭

字文敬上黨人採藥太行山忽遇三人問恭曰  
採藥勤苦好長生乎恭拜言志一人曰我姓呂  
字文起此姓孫字文陽此姓王字文正皆大清  
仙人也了同我姓復同一文字有夙緣乃授以  
方藥遣還家已二百年矣五世孫  
習亦慕仙隨恭入山俱莫知所之

晉

鮑靚

字太元上黨人漢司徒宣之後任南海太守性  
極清慧學通經史人多從受業號曰儁村父陰

君尸解法卒埋石于岡有人發其棺見一大刀  
塚左右有人馬聲遂不敢取葛洪曰此是劍解  
法考路志拾遺竝本名靚為洪之婦翁官南海  
太守為洪之婿名靖字太元官南陽太守靚靖  
音近不免混淆  
今附辨於此

鮑姑

靚女葛洪妻洪師事靚器重之因妻焉洪仙  
去姑尚留南海後正元中有崔焯者見一老嫗  
蹶破人酒甕被毆焯憐之代償其債嫗不謝而  
去明日持艾來曰此越井岡產也善灸贅後當  
遇美麗獲萬緡候不見焯夜行失足墮深穴中  
有白蛇光焰如電焯恐怖詣蛇叩禱見其唇吻  
有疣請灸之應手而落蛇因吐徑寸珠焯不敢  
取乃引至別洞見四麗人共一有疣曰知君有  
鮑姑艾請留少許以寶珠酬之焯留艾搗珠以  
出遇胡商果以十萬緡易去及詢鮑姑乃知為  
太元女葛洪妻也

紫團真人

隱居紫團山修真冲舉其遺詩曰閉定天厨  
只一呼天罡不動運陰符流精鬱勃歸金鼎  
鍊出神丹滿玉壺龍眉  
子引以為金丹口訣

元

神香宮道人

不知名元潞州守周幹臣宿觀中短檠高  
畫道人為三吹光齋盛達且不減又嘗與  
修撰傅岩輒飲出樽酒酌七十觥不竭及以水  
注之容不及半土嵩作酒聖燈神記今不刻存  
三忠祠壁間又明栗應麟李延馨延康切同學  
觀中有道人至謂栗貴不勝壽二李壽不勝貴  
問姓名不答留題壁間曰鐵笛驚秋夜道人踪  
跡孤餐霞踏碧落跨鶴入元都海月丹陽路松  
風太一鑪真同天地老君問姓名無  
後栗李胥如言疑即元時道人云

男

鮑老

年八十餘短髮不替如雪嘉靖癸巳閉關五龍  
山三月而髮黑者半期年如漆瀋府招之不來

六月六日坐化

張祖村

在祁城西十五里張果遊寓之地其南有驢迹  
人石舊志遂謂張果老家考之載籍亦無所據  
本縣廢城居民皆李姓唐載王之後元時有同

僊師廟

宗自沁州吳舉卓劍胡山巔召其山下族人一  
會拔劍而去因立  
廟有泉即劍穴也

劉偉

志稱偉韓城人仕至揚州守沒二十年易姓楊  
以相繼遊於路後為同里韓苑洛識於途遂不  
復來尋升菴集亦載其事升菴與偉同時人其  
為尸解無疑矣

國朝

巖間書生

上堂記有等射熊者見諸生讀書巖間及往  
下覺失其處人以爲仙云以上仙



北齊

曇榮

保定張氏子通儒術年四十遊潞州居黎城能  
使猛獸馴狎不復驚人州人迎居法住寺年八  
十五入寂時稱伏虎禪師

北周

惠瑱

上黨開元寺僧精嫻內典建德六年禁緇度瑱  
抱經像徙居崖谷盜謀劫之忽一丈夫乘馬自  
山巔下日夜有盜宜急避瑱知其為神合掌拜  
曰釋教哀微仰祈庇覆否則守死而已更何所  
避夜大雪賊不得進及齊

義福

姓芳氏上黨人幼度剃為僧精修梵行前知如  
響嘗從駕東都所在皆應檀施至萬皆散之緇  
紳與遊者衆一日謂其徒曰吾將逝矣其素交  
張均房館嚴挺之並陟皆往承訣而張以服丹

不隨喪先避去乃謂房曰張有非常之咎名節  
皆虧若終此法會可以免難惜其先去也公必

為中興名相遂解去後張竟陷於賊嚴與房輔贊兩朝悉如其言

晉滿

大歷中澤潞僧也不拘僧相言事往往有驗建  
中初題潞州佛舍口此水連涇水雙珠血滿川  
青牛將赤虎還號太平年人莫能知其解及賊  
泚稱兵方悟此水者泚字涇水者自涇州兵亂  
也雙珠者泚與滔青牛者興元二年乙丑歲乙  
木青丑牛也明年改元貞元歲在丙寅丙火赤  
寅虎也至是  
賊已平故云

金

德崇禪師

上黨潞人大定三年受具為僧至方山謁才  
公大士許以傳法指期而別又參宗鄭下深  
徹淵源嘗遊熊耳山吳谷即太行古道也斷崖  
懸絕為建橋梁見者稱神十九年築室大通寺

長台系志

卷之八

仙釋

五

門徒數千俄方山老約書到呼徒取筆書頌狀  
坐而化茶毗得舍利千粒建塔以藏校書郎  
騎尉賜緋魚毛麾撰銘定遠大將軍開國伯完顏真立石刻像

元

淨公和尚

俗姓李潞州人昭覺寺僧幼穎悟父授孝經  
至會子避席邗整衿起父問之對曰聞師命

尚如此况父命耶後應召

作資戒大會賜紫衣遣還

道榮

紫團僧了悟佛法大振宗風

正宗

典教禪師潞州人幼名張德十二歲禮紫團僧  
道榮爲師精內典坐下聽講者雲集晚悟神理

同大力士渡

海莫知所終

明

胡僧

號迦摩子成化間遊滌年九十餘者髮曾不  
蔽膝跣行雪中不跡小兒病者手摩之即愈時

黑水河橋圯有屬其募修者首肯之一夕而就

行者疑以爲夢因名其橋曰老胡橋後解化於

石橋村居人以其遺骸塑

爲像亦名其村曰胡神村

宏治初知州馬毀淫祠郡北關有古刹緇流圖

去僧笑曰勿去此榮靖家佛堂與國同休旣而

心源王奏留勅名智惠及王薨論榮靖至闕將

劉芳亮拆四關寺亦毀言悉覽

號懶雲潞安人有持法在寺除夕詩爲謝茂秦

所稱有集行世

明周

著有楞嚴正脈板藏昭覺寺中康熙丙午茂才

張燮得其五七言近體若干篇益以五家所存

絕句二章長短句四闕付諸梓人法在寺在郡

西里許隋開皇二年建華藏閣乃別駕李公朝

佩所修高僧交光爲之記謄傳李公卒託生秦

藩初生時即自言籍貫姓名能修寺未完事秦

王遂遣官輸金以  
酬前果見拾遺

國朝

海峯

遊僧也不知何許人偶卓錫於雄山之天泉庵  
留題霜壁間字跡豪放七律二首錄其次雄山  
深處遠紅塵能得安眠有幾人  
沈綿綿芳草自成茵  
覆不起身我欲相尋無路入  
問那得有紅塵君亦倚  
我榻巖花簇錦供  
難馴物外身遺蹟百年精氣在壺天有日可長  
春以上釋

長治縣志卷之十九

知縣事沐陽吳九齡景文甫修輯

壇廟

自聖人以神道設教而祀典興焉伊耆氏以上未之  
考也虞書曰類曰禋曰望秩又止言舜受終事其頒  
於十二州者闕而弗傳越夏商而周元公定禮法始  
詳明至今讀王制祭法祭義諸篇猶然想見其精意  
由周而來雖時異勢殊因革不同而昭格明神為民  
錫福則莫越夫三禮試即以諸侯論今之郡守縣令



皆是也古也分茅胙土有常祀今也按部提封則亦  
有常祀第祀不可缺亦不可瀆故春秋魯桓八年既  
書已卯烝又書丁丑烝書已卯者志合時也書丁丑  
者志貶也爲其瀆也而魯論於季氏之旅泰山黃及  
冉子是僭也又更甚於瀆也夫瀆且不可僭云乎哉  
邑內祠廟壇墀載在祀典者理宜詳考用昭崇德報  
功之意其他樓閣寺觀不能指屈亦姑照舊志列之  
以備風土之大畧志壇廟

### 壇廟

#### 社稷壇

土以生物穀以養人民胥賴之故有民人即  
有社稷邑內例得設壇以祀土神穀神爲壇  
在北關西以春秋二

仲月上戊日祭之

#### 山川壇

古者諸侯祀名山大川之在其地者地有所  
屬則境內山川不容無祭邑於春秋二仲月  
上戊日

行之

#### 常雩壇

良苗懷新風雨養之每歲孟夏舉  
行雩禮以祭風伯雨師重田功也

#### 先農壇

民爲邦本食乃民天祀先農所以祈穀也邑  
於雍正四年奉文建壇於東郊因立神農廟  
於壇

後

#### 耨田

耕耨之禮載在月令雍正四年奉文通行每  
歲監頒擇日行耨耨禮計地四畝九分例地

#### 風雲雷雨壇

雨暘寒煥並列休徵固和氣之醞釀實  
神功之洋溢烏得不祀壇在城南龍泉

橋西春秋二仲月上戊日祭之

厲壇

窮民無告仁政必先孤魂無依祀何可缺祭厲正以止厲也壇在北門外每歲清明日七月望日十月朔日官司祭之

八蜡廟

大蜡之祭始於伊耆立廟索饗重田功也不特官宜祀之即民間亦當奉祀在南開西

萬壽宮

即神霄宮在城藩藩府前宋宣和元年建康熙五十七年更額

府城隍廟

一城保障民之司命也在果子市東即潞州舊廟改隍為府康熙六年知縣于允允重修棟宇雄麗規模宏敞可稱勝槩每歲四月十五日大會商賈多設肆焉

縣城隍廟

凡縣各有廟而長治附郭獨無雍正十年知縣錢人龍率紳士共建補缺典也在府廟右係土地祠觀音閣舊址移上地祠於後

神農廟

在城東北十三里百谷山世傳神農嘗百草於此因立廟祀焉肖像甚古北齊時重建順治十二年知縣王功成重修

大禹廟

在城東五里壺神頭村廟從來遠矣始創無考宋咸平中重建中有古松一株形如偃蓋蔭幾滿院

唐太宗廟

在南門內始創無考康熙二年知縣于公允重修相傳帝有吞蝗功故奉祀惟謹

關帝廟

一在下水巷口明藩藩安慶王因神威保全印章建廟於此後有二義閣康熙五十六年知府姚士麟知縣林詒熊率屬重修雍正七年知縣錢人龍奉文建啟聖祠歲遇早厲禱而輒應一在新街元泰定元年潞州達魯花赤忽都魯沙建二廟崇宏壯麗皆稱巨觀外此村鎮關鄉莫不崇奉蓋威靈懋服人心者遠也全印事奇雜志

三

五龍廟

在城東南五龍山陳汝義謝雨金澤禱雨粟  
應麟遊山俱有詩載藝文志神能出雲致雨  
有禱輒應城西門內

百穀寺

在百谷山北齊武平四年  
建萬歷時方有度重修  
祀唐潞澤節度使

義陽王

李抱真在府學  
在城東南隅原額二忠祠祀宋隆德知府張  
確官此土者明西平知縣贈光祿少卿王佐  
生此土者嘉靖十二年知府宋圭改二仙廟  
建立崇禎十五年巡撫蔡公懋德復增入鄉  
賢任塚為三忠祠舉人鮑奇有記歲久傾圮

三忠祠

郡守楊公峻重修  
祀烈婦平氏程氏烈女趙氏袁氏正德七年  
奉勅建立在西火鎮順治十四年郡守楊修

暴公祠

在城東南營  
祀李裕川尚書有謁詩二首

四貞祠

在城東南營  
祀烈婦平氏程氏烈女趙氏袁氏正德七年  
奉勅建立在西火鎮順治十四年郡守楊修

節孝祠

在城東南營  
祀烈婦平氏程氏烈女趙氏袁氏正德七年  
奉勅建立在西火鎮順治十四年郡守楊修

文昌閣

在縣治東知縣陶鴻儒建乾隆二十七年  
知縣吳九齡重修一在二仙廟巷知縣杜想  
哲建一在水車溝口天啟間建康熙五十一  
年重修一在南關每逢聖誕祀者甚衆

奎光閣

在曾通寺西乾隆乙丑宰生崔  
昇募建與德風亭若對峙然

張仙翁廟

在城東巷詩曰張  
仲孝友亦正祀也

唐明皇廟

在西火鎮即過郝處士  
處益亦其出獵之地

華陽君廟

在城北關戰國馮亭為上黨守後歸趙封  
華陽君卒葬於此路人為立祠墓前

以上皆春秋祀典所闕特加詳焉此後一仍舊

志序列



崔府君廟 在城東門內公諱珪字元靖唐貞觀中為長子令有異政功德及潞因立廟祀之

玉皇廟 在城南馬坊頭

三官廟 在城內西南

真武廟 在城北門內建自天順庚辰嘉靖戊午重修萬曆甲戌王之鄉等又建閣於殿後下有八仙洞乾隆九年呂仙曾顯靈應詳雜志

東嶽廟 一在潞州衙前元大德八年建廟貌宏麗每遇考棚商賈多設肆焉一在新街一在西火

二郎廟 在西關外

二仙廟 一在城南門一在韓川嶺一在橋頭村

九龍廟 在城北關村

三巖廟 在城西街禱雨多應俗以為神司冰雹故農民祀之最誠鄉村建廟甚多

藥王廟 一在城隍廟前一在演武巷南一在秋谷山

馬神廟 一在城東營一在西營祀天駟房星之神蓋馬祖也乃軍衛之祀

明靈王廟 在城菜巷規製宏敞四槐蔭翳洵堪為文人肄業之所魏介菴設帳多所成就門人為立

炳靈王廟 在縣治後康熙四年知縣于公允增其舊制重為修葺

關帝廟 在縣治東殿後有千佛閣康熙六年知縣于公增修

李衛公祠 在城東關

昭覺寺 在城內西南隅後唐明宗天成元年建規模宏麗後有圓通閣貯藏經

長治縣志 卷之十九 寺廟

五

長興寺

在城內東南隅後唐長興四年建

法任寺

在西門外隋開皇時建北齊曇榮曾卓錫於此華藏閣嘉靖間別駕李朝佩修僧交光記

黃梅寺

亦在五龍山郡守邱璋修

慶雲寺

在城南十里蘓店鎮宋天聖三年建

嘉祥寺

在城南二十里賈掌村元至元十七年建

正覺寺

在城南二十里刊字村唐太和開建

龍泉寺

在城南二十里賈村元至正二十八年建

延福寺

在西原村漢永平十年建

香巖寺

在城南四十里韓店宋慶歷開建

洪福寺

在城東南四十里李坊村宋太平興國五年建

洪濟寺

在城南四十里黎嶺村宋崇寧二年建

際子寺

在城西南北和村元元通元年建

寶峯寺

在城東南五十里坡頭村金大定十九年建

寶雲寺

在王村後魏永平二年建

大雲寺

在城南六十里蔭城鎮金大定九年建

龍華菴

在城隍廟左側

正覺寺

在城南六十里八義鎮宋元祐六年建

西巖寺

在城南六十里桑梓鎮隋開皇時建

翠巖寺

在西火鎮地居僻幽塚寺皆松望之如翠屏插漢

大安寺

在城南七十里師庄鎮後唐明宗長興二年建

摩雲寺

在城東南五十里佛耳山上有石佛禱雨多應

翠雲寺

在佛耳山下中有井居人汲水雖旱不涸

寶雨寺

在城西南隅寺已廢惟古塔尚存

延唐寺

據王海唐明皇為別駕時寺內有李樹連理今莫詳矣

妙勝寺

在城東北後唐天成時建今廢

梵境寺

在城東北隋建不知毀於何代

聖泉寺

在府治東南舊有蓮花池久湮康熙元年池東泉湧出池復溢因建寺五年郡守蕭來慶

拓建題額滿代尚撰記

大泉庵

在如山東後唐長興元年建明嘉靖四年僧圓喜重修

洞雲宮

在桑梓鎮唐天寶十四年建

白鶴觀

在縣治南唐景龍二年明皇為別駕據案假寐道上宋大辨等二十人見赤龍在案潘炎

有賦今已廢

玉虛觀

在西火鎮金大定二年建

媯皇廟

在城西南大台山相傳即煉石補天處名望兒臺媯廟多應正德六年建順治十六年修

土地廟

在韓店鎮南康熙八年知縣姜愷因公出宿夢寐有感遂重修焉

三聖堂

在縣治東



真武閣

在城西北二里許角沿村高六七十尺下磚  
臺十餘層上樓殿十餘所曲折精工信筆觀  
也嘉靖間居人  
別駕李朝佩建

論曰先民有言人道邇神道遠爲其幽隱而莫測故  
曰遠夫既曰遠遠之可也烏得近而諂之卽曰可以  
作威可以作福而威之福之者權不在神而在人人  
宜威則威之人宜福則福之神何心焉惟今之人棺  
淫匪彝內省多疚往往明法不畏暗乞呵護於冥冥  
擲思聰明正直之謂神人有貪心方且謹之而乃貪  
此必吐之祭祀以曲爲徧袒耶是近之者本敬之也

敬之不得其道反褻之矣褻之不亦重自罪乎長治  
寺廟除正祀外不下數千有始於隋唐奉勅建者有  
民間祈禱私自剏造者其在隋唐因征伐無常殺戮  
太甚特借此以資冥福至於民間所設亦無非爲祈  
福禳災計也第當其興熾香火絡繹士女雜沓而來  
全無倫紀一至荒蕪非淄流借以藏奸卽宵小據之  
比匪傷風敗俗莫此爲甚矧人之傑者必鍾於地靈  
徧觀邑中凡有吉兆多爲淫祀踞之以是而言人傑  
亦難矣哉昔狄梁公毀吳楚淫祠一千七百餘所綱

曰予之使公而在今日則斯邑之寺廟在所必毀者當十之八九矣而前太守蜀渝李公於其垣壁不完像無依附者僅去三五而人遂羣起議之噫亦何囿於習染昧夫義理之甚耶



長治縣志卷之二十

知縣事沐陽吳九齡景文甫脩輯

陵墓

孔子有言曰吾見封之若堂者矣見若坊若覆夏屋若斧者矣此卽陵墓之說也陵墓所在皆有而惟其賢乃足以傳焉闢青松之門茫茫難問築白楊之宅鬱鬱長埋千載後或使人摩斷碣而招忠義之魂或使人撫一坏而傷仁孝之魂此非其精靈真有不可磨滅者何以從風雨迷離中呼之欲出而憑吊情深

耶吁古往今來山河如故風流雲散邱壟猶新則一  
邑之牛眠麟卧不止慕容有塚已也志陵墓

戰國

華陽君墓

在城北關馮亭爲韓上黨守以  
郡歸趙封爲華陽君卒葬於此

漢

鮑子都墓

司隸校尉宣也卒葬於此歲久荒廢宏治  
中馬知州墩爲垣墻孫知縣墾爲建祠侍  
郎阮勤  
爲之記

晉

慕容永墓

舊志名時在西南營潞志拾遺慕容永志  
但記其走死而不詳何地永當日實死於  
針潭村土人收葬且廟祀之今  
郡城西南營卽古針潭村也

後魏

陸都督墓

在城西三里安北將軍都督并州  
刺史名旭但有墓而名不見志

馮太守墓

上黨太守勃  
卒葬於此

北齊

馮將軍墓

名標爲龍驤將軍  
墓在城南十五里

唐

宋都尉墓

名舉在城西南五里嘉靖中宗室雲溪築  
擊得墓志銘文甚古乃遷葬高原埋銘其  
下復勒石記之舉唐初起義之將功成辭  
賞晦跡棲真固廉保贖達士也



師言墓

名師言總章二年與其母王氏同葬州城西北五里有志見藝文

鄭惠王元懿太妃墓

在城南十三里王為潞州刺史太妃就養卒乃葬此

程司直墓

名芝在城西南三十里居民因耕墾得其志文皆四六甚古

馮處士墓

名元在城西南司馬村亦以遺志識之

郝處士墓

名元津在城南七十里西火鎮有碑額題口大書處士郝公之墓文皆四六

王府君墓

名守忠諱城南蒲池村

董君墓

名師字德行在南董村東南

郭柱國墓

名盛在城南五十里

王處士墓

名盛天啓中濬陰於城東南隅掘得碑石按舊府志開元廿七年葬於城南五里

則當日止有子城而無大城大城似非創於隋也

金

晉氏墓

名陽在本縣長井村

元

李韓公墓

名唐在城東南八里平章政事孟之父以孟貴追封今翁仲猶存孟後葬苑下縣

馬郡伯墓

名繼翰在城東北五里以子稅武貴追封扶風郡伯有御史張起岩撰世德碑

王提舉墓

名天祐在城南南宋村有太常卿李紹碑銘

王知州墓

名守忠在城東北桃園里有御史呂思誠墓銘

嘉尚書墓

名彬在城西八里

曹郎中墓

名堅在五龍山子璣孫相御史鶴俱有碑

受山縣志

卷之二

陵墓

二

34

應為三頁

董尙書墓

名誠在城南七十里東火村見通志

李尙書墓

名惟馨在城南六十里蔭城鎮

李節度墓

名公弼在城東十里壺神頭有墓碑

明

潘簡王墓

在城南鳳凰山自康王以下墓胥隸長治境不詳載

稷山悼靖王墓

在城南三十里鳳凰山見通志

沁源恭定王墓

在城西十里步馬村見通志

黎城昭僖王墓

在城北二十里見通志

沁水悼懷王墓

在城西南三十里至善都見通志

鎮國將軍孤雲墓

名銓研在城南五十里通判栗應宏撰墓表

鎮國將軍雲仙墓

名勛淑在城南五十里通判栗應宏撰墓表

輔國將軍雲谷墓

名勛濟在城西北寨村御史李新芳撰墓表

李封君墓

名延

李知府墓

名延馨

李副使墓

名延康

李封君墓

名延昌

李副使墓

名如桂五墓俱在城東北白埃村有碑

任光祿墓

名環在城東北白埃村大學士徐階銘其墓

栗侍郎墓

名永祿在城西邱村吏部尚書王國光撰誌銘

朱巡撫墓

名守約在城外五馬村

趙頤正先生墓

名秉忠

趙布政墓

名希夔俱在城西北十里華家庄知府于敏亦附

栗封君墓

名繼文在城西三十里上韓村

李封君墓

名清在城南李家庄

郝封君墓

名祿欽在城南李家庄

鮑同知墓

名龍

鮑布政墓

名承蔭俱在城南馬坊頭

王知府墓

名期古在城東門外

屈郎中墓

名諫在城西五里

平遙靖僖王墓

在城東北十五里柏谷村

暴尙書墓

名昭在城西羊堡村

晉 罡墓

開科進士在城東長井村公在當時有異術後郡守劉公復初重加封樹

趙郎中墓

名泰在城西北岡臨川王英表

劉知府墓

名昭在城西南十里吉水膠莊表

李寺丞墓

在城東南五里名昱光祿寺丞正統己巳歿於土木之難尙書劉龍表

宋御史墓

名省在城西五里



趙知府墓

名偉在城西七里古青陳清表

仇正篤先生墓

名鴻在城南七十里東火村和願王雲鳳表仇手事吳祔

李都運墓

名紀

李布政墓

名敏德與都運墓俱在城東

栗封君墓

名元在城西北岡

栗知州墓

名銘在城西十五里

廉知縣墓

名政在城東三里大司馬王廷相表新増

章武烈將軍墓

名拔在城西二里紙坊村新増

王少卿墓

名佐在城西五里尚書劉龍表

鎮國將軍孤巖墓

名餘錄在城西五里御史李新芳表

李御史墓

名新芳在城東南五里秋谷山麓任光祿環表

朱府尹墓

名卿在城西二里

李知州墓

名尚實在城南五里

邵尚書墓

名光先在城南

程知州墓

名應登在城西五里子封君尚德通判尚勤俱祔

郭少卿墓

名邦驥在城北五里

高郎中墓

名環在本縣師庄村

王孝子父墓

即俊所廬墓也在城南西火當時每日負土三年成大塚今二百餘年巋然如

故

四正墓

在城東南八十里近西火鎮王川妻李氏  
焦相妻程氏趙氏女名閔兒袁氏女名雁  
菊

程副使墓

名宗伊在  
西火鎮

周副使墓

名一梧在城南  
五十里中村

吉封君墓

名廷弼在城西站上村狀元朱  
之蕃妻其墓子副使名人祔

程尙書墓

名正已在城西墩北庄  
太常寺卿張慎言妻

賈知州墓

名涇澗在城  
南李家庄

沈知州墓

名國華在城  
東石槽村

張封君墓

名孟智在城南朱家  
庄子副使克儉嗣

萬封君墓

名一本在  
蒲泊村

定陶王墓

名理詩子效鋒國變父子投井  
死土人哀之並瘞於墩西庄

仇儀賓墓

名時茂在陽墩呂  
村誌銘見通志

栗義民墓

名振在老胡榆西鳳凰崗距城二里碑刊  
嘉靖誥勅康熙己卯有人題其墓口過墓

思君義慷慨此口無幾度遺荒歉何曾  
見丈夫亦足見義風感人云舊志缺

閻知縣墓

名民望在城東二十里  
壺關縣關壁村舊志缺

任封君墓

名翔字漢升蘇郡武守  
葬壺口朱希周為表

國朝

陵墓

七

李知州墓 名一爵在城東焦家庄

李封君墓 名呈秀在城南北董鎮尚書白允謙表

李學士墓 名中白在城東秋谷山

王封君墓 名之冕在城東清洞阜

呂封君墓 名兆麟在城東北庄裏村東堰上

王同知墓 名業純在城西史家庄

王封君墓 名保民在城東鳳鳴岡

馬封君墓 名貴麒在北重鎮堡西

王工部墓 名綸世在城東鳳鳴岡

栗封君墓 行二提在城東北十里西羅家庄編修田嘉穀誌子灼附此

閻封君墓 名湖叢在城東南五馬村東了平陰令必卓華亭令必崇附焉

閻知縣墓 名宗衍在東關南里詩

張孝子墓 名皇政在城南二十里南董鎮西南

宋孝子墓 名顯異在城南三十里黎侯山麓

王知縣墓 名廷鈞在城西候北庄村北



25096

上  
下



長  
治  
縣  
志

卷  
之  
二  
一

